

設復強為譬
少可得為喻
如火著乾薪
地獄苦亦爾
地獄中陰身
熱惱燒然苦
宜應除懈怠
勤修於正道
是故先修道
然後以多聞
而作妙瓔珞

人中死為苦
彼苦恒過此
無有暫冷時
無有暫憩息
皆如融鐵聚
不可得稱計
晝夜不休息
必使盡苦際
克獲解脫果
然後以多聞
而作妙瓔珞

(一四)復次見此事已應生驚悟。尊豪榮位無得
常者。我昔曾聞。栴檀罽尼吒王。將欲往詣罽
尼吒城。於其中路見五百乞兒。同聲乞匁言施
如我。王聞是語便生悟解。即作是念。彼覺寤
我。我於往日曾更貪苦。今若不施後亦如彼。
即說偈言

由其先世時
說言無可施
設我今言無
時有輔相名曰天法。下馬合掌而白王言。此諸
乞兒咸言如我。王答臣言。我聞其語。然我所
解與汝有異。汝之所解謂為乞索錢財雜物。我
所解者當為汝說。汝今善聽。即說偈言

此諸乞兒等
以斯貧賤形
自言受此身
放逸所欺誑
愚劣諸乞兒
自言曾為王
寶蓋覆頂上
侍從悉莊嚴
雖有如此等

多饒錢財寶
今獲斯貧賤
後亦同於彼

故來覺寤我
示我令得見
慳不惠施故
受是苦惱形
示我如此義
猶如星中月
左右眾妓直
聞者皆避路
種種眾妙事

由不布施故 今受貧賤苦

福樂迷汝心 不覺後有苦

人帝應當知 我今甚毒苦

宜當修布施 莫使後如我

輔相天法聞是偈已。深生歡喜。合掌白王。如佛言曰。見他受苦當自觀察。王於今者實合佛意。見彼乞兒則能覺寤。善哉大王。意細乃爾。

能覺是事。善解分別佛所說義。大王稱實能持大地。真是地主不虛妄也。所以者何。能善分別佛法深義。聰慧明達。是故稱王為大地主。

即說偈言

地主常應爾 此意為無上

此意難可恒 能自利亦難

人身極難得 信心亦難生

財寶難可足 福田復難遇

如是一一事 極難得聚會

譬如大海中 盲龜值浮孔

如斯之難事 大王盡具有

是故於今者 不應恣心意

人身如電光 暫發不久停

雖復得人身 危脆不可保

臨終兩肩垂

雖有四威儀 諸節皆舒緩

親屬在其側 進止不自由

眼目已上昞 將為死毒中

以手觸其身 親之咸悲泣

既見親慰喻 安慰言勿懼

決定知已去 益更增悲感

雖有眾財物 不可為資糧

諸脈斷絕時 顏色皆變異

命來催促已 如油盡燈滅

當於如斯時 誰能修布施

持戒及忍辱 精進禪智等

如斯時未至 宜應勤用心

(一五)復次若命終時欲齋財寶至於後世。無有是處。唯除布施作諸功德。若懼後世得貧窮者。應修惠施。我昔曾聞。有一國王名曰難陀。

是時此王聚積珍寶規至後世。嘿自思惟。我今當集一國珍寶使外無餘。貪聚財故以自己女置姪女樓上。勅侍人言。若有人齋寶來求女者。其人并寶將至我邊。如是集斂一國錢寶。悉皆蕩盡聚於王庫。時有寡婦唯一子心甚敬愛。而其此子見於王女儀容瓌姿貌非凡。心甚耽著。家無財物。無以自通。遂至結病。身體羸瘦氣息微惙。母問子言何患乃爾。子具以狀啟白於母。我若不得與彼交往。定死不疑。母語子言。國內所有一切錢寶盡無遺餘。何處得寶。復更思惟。汝父死時。口中有一金錢。汝

若發塚可得彼錢。以用自通。即隨母言。往發父塚開口取錢。既得錢已至王女邊。爾時王女遣送此人并所與錢以示於王。王見之已語此人言。國內金寶一切蕩盡除我庫中。汝於何處得是錢來。汝於今者必得伏藏。種種拷楚徵得錢處。此人白王。我實不得地中伏藏。我母示我。亡父死時置錢口中。我發塚取故得是錢。時王遣人往檢虛實。使人既到果見死父口中錢處。

然後方信。王聞是已而自思忖。我先聚集一切寶物。望持此寶至于後世。彼父一錢尚不能得齋持而去。況復多也。即說偈言

我先勤聚集

一切眾珍寶

望齋諸錢物

隨已至後世

今觀發塚者

還奪金錢取

一錢尚不隨

況復多珍寶

復作是思惟

當設何方便